



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-01-262/24-I
Brčko, 05.02.2024. godine

Na osnovu člana 14. stav (1) tačke f) i g) Zakona o Pravosudnoj komisiji Brčko distrikta BiH („Službeni glasnik Brčko distrikta BiH“, br. 19/07, 20/07, 20/08, 04/21 i 06/21), članova 29, 31, 32. i 33. Zakona o službenicima i namještenicima u pravosuđu Brčko distrikta BiH („Službeni glasnik Brčko distrikta BiH“, broj: 13/23 – prečišćen tekst) i člana 11. Pravilnika o zapošljavanju u pravosuđu Brčko distrikta BiH („Službeni glasnik Brčko distrikta BiH“, broj: 1/19), na 254. redovnoj sjednici, održanoj dana 05.02.2024. godine, Pravosudna komisija Brčko distrikta BiH, raspisuje

JAVNI KONKURS
ZA POPUNJAVANJE UPRAŽNJENIH RADNIH MJESTA
U PRAVOSUĐU BRČKO DISTRIKTA BIH

- (1) Sekretarica predsjednika Osnovnog suda Brčko distrikta BiH (na neodređeno vrijeme)1 (jedan) izvršilac
- (2) Referent na otpremi pošte u Osnovnom sudu Brčko distrikta BiH, (na neodređeno vrijeme).....1 (jedan) izvršilac
- (3) Pripravnik u Pravobranilaštvu Brčko distrikta BiH, na određeno vrijeme, do sticanja uslova za polaganje pravosudnog ispita, ali ne duže od dvije godine.....1 (jedan) izvršilac
- (4) Pripravnik u Kancelariji za pravnu pomoć Brčko distrikta BiH, na određeno vrijeme, do sticanja uslova za polaganje pravosudnog ispita, ali ne duže od dvije godine.....1 (jedan) izvršilac

Kandidat za službenika i namještenika u pravosuđu treba da ispunjava opšte uslove:

- a) da je državljanin BiH;
- b) da je punoljetan;
- c) da je zdravstveno sposoban za vršenje poslova upražnjenog radnog mjesta;
- d) da se protiv njega ne vodi krivični postupak;
- e) da nije osuđivan za krivično djelo na kaznu zatvora u trajanju dužem od šest mjeseci;

- f) da nije osuđivan za krivično djelo iz oblasti korupcije, krivično djelo protiv pravnog saobraćaja i drugo krivično djelo koje ga čini nedostojnim za vršenje službe u pravosuđu;
- g) da se na tu osobu ne odnosi član IX stav (1) Ustava;
- h) da u posljednje 3 (tri) godine počev od dana objavljivanja javnog konkursa ili internog oglasa za popunjavanje upražnjene pozicije, nije otpušteno iz državne službe u institucijama BiH, entiteta u BiH ili Distrikta, usljed pravosnažno izrečene disciplinske mjere;
- i) da ne postoje okolnosti koje bi dovele do sukoba interesa.

Kandidat pored opštih uslova mora ispunjavati posebne uslove:

(1) Za sekretaricu predsjednika Osnovnog suda Brčko distrikta BiH, (platni razred V):

- srednja stručna sprema, IV stepen,
- položen ispit za rad u organima uprave,
- poznavanje rada na računaru,
- najmanje 6 (šest) mjeseci radnog iskustva u struci.

(2) Referent na otpremi pošte u Osnovnom sudu Brčko distrikta BiH (platni razred V):

- srednja stručna sprema, IV stepen,
- najmanje 6 (šest) mjeseci radnog iskustva u struci,
- položen ispit za rad u organima uprave,
- poznavanje rada na računaru.

(3) Za pripravnika u Pravobranilaštvu Brčko distrikta BiH (platni razred VIII):

- visoka stručna sprema – završen Pravni fakultet ili završen prvi ciklus studija na Pravnom fakultetu sa ostvarenih 240 ECTS bodova.

(4) Za pripravnika u Kancelariji za pravnu pomoć Brčko distrikta BiH (platni razred VIII):

- visoka stručna sprema, VII stepen (240 ECTS), smjer: pravni.

Formulari za prijavljivanje na ovaj konkurs mogu se podići u prostorijama Pravosudne komisije Brčko distrikta BiH, Trg pravde broj 10 ili na internet stranici Pravosudne komisije na adresi: **www.pkbd.ba**.

Stručna služba Pravosudne komisije sačinjava izvještaj o selekciji prijavljenih kandidata koji dostavlja Komisiji za zapošljavanje koja provodi postupak zapošljavanja službenika i namještenika, radi utvrđivanja termina pismenog testiranja i intervjua.

Postupak zapošljavanja službenika, odnosno namještenika provodi Komisija za zapošljavanje koju za svaki postupak zapošljavanja imenuje Pravosudna komisija.

Komisiju za zapošljavanje čine tri člana iz pravosudne institucije za koju se provodi postupak zapošljavanja, koji moraju imati najmanje istu stručnu spremu propisanu za poslove radnog mjesta za koje se vrši izbor kandidata, a sastav Komisije za zapošljavanje mora odražavati sastav stanovništva.

Izuzetno, Komisiju za zapošljavanje čine tri člana Pravosudne komisije ukoliko se provodi postupak zapošljavanja: a) direktora Kancelarije za pravnu pomoć; b) advokata u Kancelariji za pravnu pomoć; c) sekretara Pravosudne komisije; d) sekretara Osnovnog suda i Apelacionog suda; e) sekretara Tužilaštva; f) sekretara Pravobranilaštva; g) komandira Sudske policije; h) zamjenika komandira Sudske policije; i) pomoćnika sekretara Pravosudne komisije - portparola; j) stručnih saradnika.

Testiranje kandidata sastoji se od provjere ispunjavanja posebnih uslova ukoliko se traže za određeno radno mjesto (poznavanje rada na računaru, poznavanje stranog jezika, fizička sposobnost i slično), pismenog testa i usmenog intervjua.

Za radno mjesto za koje se traže određeni posebni uslovi kao što je poznavanje rada na računaru, poznavanje stranog jezika, fizička sposobnost i slično vrši se provjera ispunjavanja određenih posebnih uslova testiranjem, kroz praktičan rad ili provjerom fizičkih sposobnosti, te se na pismeni test, odnosno intervju pozivaju samo kandidati koji su uspješno obavili testiranje odnosno praktičan radu. Provjera ispunjavanja posebnih uslova vrši se isti dan kada i pismeno testiranje, prije pismenog testiranja, o čemu se kandidati obavještavaju **isključivo putem službene internetske stranice Pravosudne komisije**, najkasnije pet dana prije zakazanog testiranja.

Na pismeno testiranje, koje je obavezni eliminatorni dio u proceduri izbora službenika i namještenika, kandidati se pozivaju **isključivo putem službene internetske stranice Pravosudne komisije**, najkasnije pet dana prije zakazanog testiranja.

Pismeni test obuhvata 30% pitanja iz oblasti utvrđenih programom polaganja ispita za rad u organima uprave i propisa koji uređuju rad pravosuđa i 70% pitanja iz oblasti poslova upražnjenog radnog mjesta za koje je raspisan javni konkurs, koja će biti objavljena na službenoj stranici Pravosudne komisije. Bodovi ostvareni na pismenom testu nose 75% (sedamdeset pet odsto) ukupnih bodova koje može ostvariti kandidat u postupku izbora.

Na usmeni intervju pozivaju se kandidati koji su uspješno prošli pismeni test, **isključivo putem službene internetske stranice Pravosudne komisije**, najkasnije pet dana prije zakazanog intervjua.

Izuzetno, usmeno intervjuisanje kandidata može se obaviti odmah nakon pismenog testiranja, ukoliko postoje tehničke pretpostavke za to, s tim da se kandidati direktno obavijeste o rezultatima testiranja i terminima intervjua.

Pitanja koja se kandidatima postavljaju na usmenom intervjuu utvrđuju se najmanje 60 minuta prije početka intervjua i ista su za sve kandidate, osim ako intervju traje više dana.

Bodovi ostvareni na usmenom intervjuu nose 25% (dvadeset pet odsto) ukupnih bodova koje može ostvariti kandidat u postupku izbora.

U toku postupka intervjuisanja kandidata, broju bodova koji osvoji jedan kandidat dodaju se dodatni bodovi u slučaju:

- a) prava propisanih Zakonom o dopunskim prsavima porodica poginulih boraca i ratnih vojnih invalida, tri boda,
- b) da su članovi zajedničkog domaćinstva nezaposlena ili penzionisana lica, dva boda
- c) da je kandidat samohrani roditelj, dva boda.

Komisija za zapošljavanje dužna je izabranog kandidata obavijestiti o izboru prvi naredni radni dan nakon provedenog izbora kandidata, telefonom, e-mailom, putem internet stranice Pravosudne komisije ili putem oglasne ploče.

Izabrani kandidat dužan je u roku od tri dana, od dana obavještenja o izboru, dostaviti dokaze kojima potvrđuje ispunjavanje opštih i posebnih uslova navedenih u javnom konkursu, odnosno internom oglasu.

U slučaju da se u postupku provjere utvrdi da oni ne odgovaraju podacima u podnesenoj prijavi, kandidat se eliminiše iz daljnjeg toka odabira, a na njegovo mjesto dolazi sljedeći kandidat s rang liste, i obnavlja se procedura potvrde i provjere s istim rokovima.

Nakon utvrđivanja ispunjenosti uslova iz internog oglasa, odnosno javnog konkursa i prijave kandidata Komisija za zapošljavanje će u roku od tri dana donijeti odluku o izboru kandidata.

O rezultatima postupka sprovedenog po internom oglasu, odnosno javnom konkursu, Komisija za zapošljavanje je dužna obavijestiti kandidate putem internet stranice Pravosudne komisije, u roku od pet dana od dana donošenja odluke o izboru.

Obavještenje o rezultatima izbora kandidata ističe se 15 dana na internet stranici Pravosudne komisije.

Kandidat koji nije zadovoljan rezultatima postupka zapošljavanja može uložiti žalbu Pravosudnoj komisiji u roku od 8 dana, računajući od prvog narednog dana od isteka objave na internet stranici Pravosudne komisije.

Izabrani kandidat je dužan u roku od 3 dana od dana obavještenja o rezultatima konkursa, dostaviti Komisiji za izbor svu dokumentaciju (original ili ovjerena kopija) kojom se dokazuje ispunjavanje opštih i posebnih uslova koji se traže za radno mjesto na koje su izabrani. Za diplome koje su stečene u inostranstvu nakon 06.04.1992. godine, potrebno je dostaviti dokaz o nostrifikaciji.

Napomena: Kandidati za radna mjesta koji nemaju položen ispit za rad u organima uprave mogu ravnopravno konkurisati i biti izabrani kao i kandidati koji imaju položen ispit, uz obavezu da u roku od šest mjeseci od dana sticanja uslova za polaganje ispita polože ispit za rad u organima uprave.

Napomena: Opis poslova radnog mjesta za koje je raspisan konkurs, nalazi se u sadržaju javnog konkursa koji je objavljen na internetskoj stranici Pravosudne komisije(www.pkbd.ba).

Napomena: Za tačnost podataka navedenih u prijavi odgovorni su kandidati.

Konkurs će biti objavljen na oglasnim tablama pravosudnih institucija Brčko distrikta BiH i na internet stranici Pravosudne komisije Brčko distrikta BiH (www.pkbd.ba).

Prijave na konkurs podnose se od 09.02.2024. godine do 23.02.2024. godine

Popunjene prijave mogu se dostaviti lično ili poštom na adresu:

**PRAVOSUDNA KOMISIJA BRČKO DISTRIKTA BIH,
76100 BRČKO, Trg pravde broj 10.**

OPIS POSLOVA RADNIH MJESTA

1.

Pravosudna institucija	OSNOVNI SUD BRČKO DISTRIKTA BIH
Organizaciona jedinica	-
NAZIV RADNOG MJESTA	Sekretarica predsjednika Osnovnog suda
Opis poslova radnog mjesta:	- prima i upućuje stranke koje se obraćaju predsjedniku suda, - obavlja daktilografske poslove u vezi sa sudskom upravom, - kroz Elektronski sistem kontrole radnog vremena odobrava privatni izlazak nakon odobrenja predsjednika, kašnjenje na posao po odobrenju predsjednika i svaki drugi izlazak tokom radnog vremena, nakon ili po odobrenju predsjednika, - obavlja i druge poslove i zadatke po nalogu predsjednika suda

2.

Pravosudna institucija	OSNOVNI SUD BRČKO DISTRIKTA BIH
Organizaciona jedinica	Odjeljenje sudske uprave
NAZIV RADNOG MJESTA	Referent na otpremi pošte
Opis poslova radnog mjesta:	- zavodi, priprema i otprema poštu i pakete, sa svim pratećim radnjama, - priprema dostavnice za slanje putem pošte ili kurirske službe, - predaje i preuzima pošiljku na pošti, - prima zavodi i razvodi prispjele povratnice/dostavnice, - zaprima povratnice i registruje ih kroz CMS, - dostavlja povratnice i dostavnice na odgovarajuće upisnike i referentima za upravljanje predmetima, - izrađuje dnevne izvještaje o pripremljenoj i izvršenoj dostavi, - odlaže i arhivira knjige i evidencije za zavođenje pošte, - udovoljava zahtjevima stranaka u vezi sa uručjenjem pošiljki po obavještenjima koje strankama ostavljaju kuriri, u odsustvu kurira, - obavlja i druge poslove i zadatke po nalogu predsjednika i sekretara suda, kao i šefa pisarnice, - blagovremeno dostavlja izvještaje o radu šefu pisarnice,

3.

Pravosudna institucija	PRAVOBRANILAŠTVO BRČKO DISTRIKTA BIH
Organizaciona jedinica	-
NAZIV RADNOG MJESTA	Pripravnik
Opis poslova radnog mjesta:	- obavlja poslove i zadatke po nalogu nosioca pravobranilačke funkcije i sekretara Pravobranilaštva, radi osposobljavanja za samostalan rad - pomaže nosiocu pravobranilačke funkcije u toku pravnih istraživanja i priprema predmeta - izvršava druge dužnosti vezane za pomoć nosiocu pravobranilačke funkcije u vršenju pravnih poslova u skladu sa opštim ili konkretnim uputama - izrađuje nacрте podnesaka (tužbe, odgovori na tužbe, prijedlozi izvršenja, žalbe i dr.) - vrši i druge slične poslove po nalogu nosiopolca pravobranilačke funkcije

4.

Pravosudna institucija	KANCELARIJA ZA PRAVNU POMOĆ BRČKO DISTRIKTA BIH
Organizaciona jedinica	-
NAZIV RADNOG MJESTA	Pripravnik
Opis poslova radnog mjesta:	- obavlja poslove i zadatke po nalogu direktora i advokata Kancelarije, radi osposobljavanja za samostalan rad. - pomaže direktoru i advokatima Kancelarije u toku pravnih istraživanja i priprema predmeta. - izvršava i druge dužnosti vezane za pomoć direktoru i advokatima Kancelarije u vršenju pravnih poslova u skladu sa opštim ili konkretnim upalama, - priprema i izrađuje nacрте podnesaka (tužbe, odgovori na tužbe, prijedlozi za izvršenje, žalbe i dr.), - vrši analizu i sređivanje odnosno sortiranje akata u spise, - obavlja i druge slične pravne poslove po nalogu direktora

PREDSJEDNIK
PRAVOSUDNE KOMISIJE

Safet Pizović